

Acziun d'advent 2014 – la BCG sustegna il Chinderhus Strahlegg Fideris cun 10'000 francs

Cuira, ils 22 da december 2014 – En num da sias collavuraturas e da ses collavuratur regala la Banca Chantunala Grischuna (BCG) al Chinderhus Strahlegg Fideris 10'000 francs or da ses fond da contribuziun. L'acziun d'advent speziala da la BCG ha gi lieu quest onn gia per la settavla giada.

En il rom d'ina acziun d'advent speziala han las collavuraturas ed ils collavuratur da la Banca Chantunala Grischuna gi quest onn gia per la settavla giada la pussaivladad da sustegnair in'organisaziun d'util public cun ina donaziun. Questa giada han els tscherni il Chinderhus Strahlegg Fideris. La chasa d'uffants e da giuvenils survegn uschia 10'000 francs dal fond da contribuziun da la BCG.

«Nus ans legrain fitg dal sustegn generus da la BCG e da la renconuschientscha ed apprezzaziun da nossa lavur ch'è colliada cun questa donaziun», declera Katharina Stiefel, commembra dal cussegl da fundaziun. Uffants e giuvenils che na pon per ina fasa intermediara u in temp pli lung betg star cun lur atgna famiglia chattan in dachasa en il Chinderhus Strahlegg. La fundaziun als accumulogna sin lur via a personalitads che emprendan e che san entrar en relaziuns cun auters. La chasa d'uffants s'orientescha tenor las valurs fundamentalas responsabladad, libertad, dignitad ed integritad da l'uman. «La donaziun ans gida da pudair dar als uffants e giuvenils er a media vista in dachasa e sustegn premurus», cuntinuescha Katharina Stiefel.

Cun ses fond da contribuziun conferma la Banca Chantunala Grischuna sia attaschadadad a la regiun e surpiglia responsabladad sociala. Ella promova e sustegna projects da la cultura, dal sport, da l'economia e da la vita sociala en il Grischun cun dus milliuns francs ad onn.

Per ulteriuras infurmaziuns: [Chinderhus Strahlegg Fideris](#) e [Fond da contribuziun BCG](#)

A Vossas dumondas respunda gugent:

daniel.michel@gkb.ch, manader CSR & Services | +41 81 256 95 53

Il sector Marketing & communicaziun As gida gugent a cuntanscher il pli svelt pussaivel Vossa persuna da contact:

As drizzai a thom.mueller@gkb.ch | +41 81 256 83 11.

Banca Chantunala Grischuna – il leader en il Grischun

La Banca Chantunala Grischuna porscha tut quai ch'i dovra per ina banca universal moderna – per persunas privatas, l'economia ed il maun public. La banca occupa l'071 collavuraturas e collavuratur (stadi dals 30-06-2014). En il chantun Grischun cun sias numerusas vals e pliras linguas, è l'interpresa represchentada cun 65 agenturas, la sedia principala sa chatta a Cuira. La Banca Chantunala Grischuna è participada a la Banca Privata Bellerive SA ed a la Private Client Bank SA a Turitg. En il rendaquint semestral preschenta ella cun ina summa da bilantscha da CHF 20,236 milliardas in gudogn brut consolidà da CHF 109,2 milliuns. Il scrit da participaziun BCG è quotà a la bursa dapi ils 10 da settember 1985.

Termins

Quint annual 2014:	6 da favrer 2015
Radunanza dals participants:	28 da mars 2015

chascha postala
7002 Cuira
Tel. +41 (0)81 256 91 11
Fax +41 (0)81 256 99 98
www.gkb.ch